

اسلام دنیاسی

خالد

سنہ	۳	جاذی الاول	۳۳۱	عدد
۱	پنجشنبہ	مارت	۳۲۹	۳

کره ارضدن سیلنه-نی ده طبیعت سلیمه اصحابی
استر ، و طبیعت ده اوملتی سیلر ... اکر کره
ارضدن سیلنک استه منزهک تصحیح ایمان
ایتملی و دوغری بوله کیمه لی . ملت افعال ایتمک
و اداره مصلحت بولمه لایله ایش کورمک یا ، شامق
ایچون دکل ، برمدت قازانق ایچوندر .

ایمان ایله ایش کورلمکده نه درجه مزیت
واوایشک نتیجه اعتباریله نه درجه ده اهمیت اولدیغی
بوندن اوتوزبش سنه مقدم بزه بلونه قهرمانلری
کوسترمشدی ، بوکرده ایمانسلق نتیجه سنده
ادرنه استحکامی فرق بیک عکر ایله مقاومت
ایدیله مبوب ایمانک ضعیفده کی مضرتلری بزه
کوستردی .. روسلر ، پورت آرتور قوماندانی
« استیسیل » ی فرق کون دها مقاومت ایچون
امکان وار ایکن تسلیم اولدیقدن طولانی علنی
محکمه به و بر دیلر و اعدامده حکم ایتمشلردی ..
بز ایسه سقوط ایدن ، تسلیم اولان مواقع
قوماندانلری آلقشلا ایله غزته ستونلری
طولدرمقدن کیری قانقدق ، برکت ویرسون
سالنیک قوماندانی آلقشلامدق . اشته درجه
قناعت و اعتقادی کوسترمک ایچون بز شوصورتله
محاکمه دن صوکره نتیجه نی ده نظر اعتباره آلارق
ملاحظه ایدمک اولورساق ، قیابعد بزم درایت
وقهرمانلر مخصوصنده ویریه جک حکم کنبدیلکندن
میدانه چیقار .


شوحالری موازنه ایدنده محاکمه ایدمک
اقدارینی حائر اولانلر ، ایمانسلر ایش کوریه .
میه جکنی اعتراف ایتمکده تردد ایتمزلر .
اوزون سوزلرک قیصه سی : ایمان سایه سنده

بوتون دنیایی فتح ایتمس اولان تورکار ، ایمانسلر
نتیجه سی اولارق آوروپادن جکلیورلر .

بلغارلر ایسه اعتقادلری سایه سنده اوتوز
سنه ظرفنده بکر منجی عصرده آوروپانک مرکزنده
موقع طوتدقدن صوکره بوکون تورکلری آوروپادن
طردایتمک چاشدقلری کی اوتوز سنه صوکره ده دول
معضمه دن بعضیلری تهیدید ایدمک بیلجکلری
بوکوندن اعتباراً دوشونمکده درلر .

بزم ایچون بوندن صوکره مهم بر مسئله وار
ایسه ، اوده تصحیح ایمان ایدمک مسئله سیدر .
اگر تصحیح ایمان ممکن ایسه تکرار یا شامق
حقه مالک اوله بیلوروز ، یوقه ممکن دکل ایسه ، بزم
ایچون حیات حاکمیت مدنی منقضى اولمشدر دیه
ذل اسارته حاضر لایتمقدن بشقه چاره یوقدر ...

عبدالرشید



عقل

عقل ، حیاددر ، دیریلکندر .

عقل ، دیریدر .

غافل ، اولو دیمکدر .

انسانی انسان ایدن یعنی دیگر حیوانلردن
تمتاز و مشرف قیلان ، انسانلره لایق کالات
وفضائل ایله تزین ایله بن عقلمدر .

ایلروده کندیسنه ویا عالمه سنه ویا اولاد
و احقادینه شین و ضرر ویره جک شیلردن
انسانلری دائماً منع و محافظه ایدن عقلمدر .

فناقلردن انسانلری وقایه ایتمدیکی و کوتو
ایشلره مباشرتدن نهی ایلدیکی ایچون عقل دنیلن

قوة میزه و مدرکه به حجر و نیه و نهی دخی
دینلمشدر .

خلقى و کسی اولوق اوزره اول امرده
ایکی به انقسام ایدن عقل انسانی مکتسبات علمیه
ایله ترین و ترهر ایتدیکه و فطریته اولدینی کی
ترك اولونجه نوع بشر ایچسون موعود اولان
فضائل و مراتب کالات غایله رینه حرکت و ترقی
حاصل اولاماز . صایلمق و توکنمک بیلیمین
وهر کون برچوقلری ده اظهار ایدرک اولمکیلرینه
البحاق ایتمکده اولان احتیاجات بشریه نك تحصیل
طبیعی اولارق موجود اولان عقلک مکتسبات
جدیده علمیه دن استعانه سنی و یکدیگرینه انضمامی
لزومی قطعی بر صورتده هر صاحب ادراکه اراکه
وافهام ایتمکده در .

بولزوم قطعی بی وقیله ادراک و تصدیق
بیورمش اولان علمای اسلام عقل طبیعی به
عقل کسی - علوم و معارفک تحصیلی سایه سنده
وجود بولان قسم اخیردر - علاوه اولونمادجه
بالکمز فهم فطری نك فائده و منفعت و برمیجکنی
کتابلرنده تصریح بیورمشلردر .

بناءً علیه اسانلر ایچون مرشد کامل اوله حق
عقل ، درجه کماله واصل یعنی علوم و معارف
ایله زیب و زینتی حاصل اولان عقل نافعدر .

عقلمز لازم اولان بیلکیلر و دوشونجه لرله
مشغول اولور و ایلردن شه خصمزه و منسوب
اولدینمز جمعیت قومیه و دینی مزه فائده بخش
ثمرات کورولورسه او زمان عقلمزک و اراکه
حکم ایدرز، چونکه کوزله کورونمه بن قوه معنویه دن
عبارت اولان اوجومر بالکک وجودینه حکم

ایتمک ، اناریله اولایلمیر . اثرینی کورمدیکمز و کندینی
دخی مشاهده ایدمه بیکمز برشینده واردرد دیمک
قبوله شایان دکلدر . بزده عقل واردرد دیمک هانیا
مقتضای ؟ عقلی اولان برکمه عجا برکمه
شخصنی حیاتی ، سعادتتی و آنک موقوف علیهی
اولان قوم و ملتک مسعودیتتی و بونلرک حصولی
نهیه محتاج ایسه انلری الهه ایتدینی دوشونمز می ؟
دوشونور و تصدیق ایدرسه الهه کیرمیه ، چالیشما .
زمی ؟ شه یوقدرکه دوشوننه جک و تحصیلنه
سعی ایدمکدر ایتدیککی کی آنک عقلی اولمادیننه
حکم اولونمق ایجاب ایدر .

انسانک حیاتی انسانجه یا شاماسی عقل ایله در .
عقلی اولمایان کمه به دیریدر دیمک جاز اولاماز
حتی معجزات عدیده و براهین کثیره ایله قوللری
ارشاده مأمور اولان پیغمبر ذیشان صلی الله علیه
وسلم افندمن حضرتلرینه جناب حق طرفندن
انزال بیوریلان قرآن عظیم الشانک عقل و فهم
صاحبلرینی انذار و تحویف ایچون نازل اولدینی
و صاحب عقل اولانلره ذی حیات تعبیر بیورلدینی
آزجق تفکر و ملاحظه بیوریلرسه بزم کی
غافل ، عقلسزلرک حیات انسانی ایله ذی حیات
اولان و حقیقه دیریدر دینلمکه لایق بولونان
کسه لر عدادنده ، صرمسند اولمادینمز آکلاشیلیر
قلب قرآن اطلاقنه شایان یس شریف
سورمسنده کی [لیندرمن کان حیا] نظم جلیلک
تفسیرنده حیا کلمه سی (عافلا فهما) فظللریله
تفسیر بیورلمشدر و غافل کسه لر اولو کیدر
دینلمشدر .

ایشته بو آیت جلیله ده کی دیری مناسنه اولان

حی لفظی عقلی و آکلاییشلی دینک اولان عاقل
وفهم کلمه لرله تفسیر بیورلسی حسیله بزده
سرلوحه ده عقل ، حیاندز ، دیریلکدر ، عاقل ،
دیریدر ، غافل اولو کیدر دینک . انسانجه معیشتی
ارزوایتمین اولماز ؛ فقط بوحالی میدان کتیرمک
ایچون برچوق اسباب وجهاته توسل ایدرک وار
قوتله جالیشیق لازم کلمه .

مقاله سابقه ده نقل و اشارت ایلدیکمز
[واعدوا اہم ...] نظم جلیلی موجینجه نائل
اولدیمز هر درلو قوتلری صرفله حاضر لایمايه
مأموریتیزی کوز اوکنه آلیرسق وخصم لریتمز
کی بزده انسان و صاحب عقل و اذعان اولد .
یغیزی دوشونورسه ک کری قلامنر یک چوق
اسباب ووسائیدن محروم بولونما من ظن ایدرسم
عقلی و نقلی اولان امرلره قولاق آسمايه رق
دریای غفلتک تا قمرینه قدر دالیدیغیزی وقور .
تولاق ایچون جالالامق دخی اولمادیغی افعال
وحرکاتمنر یعنی عطالت و بطالتده دوامنر اثبات
ایده بور .

کوجوک یاشمزدن بو آنه قدر سعی وغیرتدن
مہجور ، تقدیر و تفکر دن دور یاشادق . لکن
شمدی یک آجی وقعه لرله هلاک چوقورینه
یقین کلدیکمزی ظن ایدرسم کافه من کوردک .
هلاک قطعی وانهایدن خلاص ایچون عیجا بر
چاره وارمیدر ؛ دوشونجمنر قفازمنر برلشدیردک .
بزم کی سین عیدده معطل یاشایان کسه لر
بردنبه میدان سعی وجهده آتیلاماز و برآندہ
ساعی ، غیور ، فعال اولاماز ؛ آنجق غیرتک ،
جالیشمک لزومنی ایجه تقدیر و قبول ایدرسم

کندنجہ ممکن مرتبه غیرتہ هوس و مباشرت
اولا بیلہ جی کی کندیسندن کنج اولانلری
و اولاد و انسانی بوفکر و لزومه مقارن اولارق
یتشدیرمه به غیرت ایدر و او بیلہ حکم ایدیورمکه
هنوز سن کماله کلمه یں چوجق لریتمزی ، مینی مینی
یاورولرمزی کوزل تعلیم و تربیه ایتک اک مهم
وظیفه در . بزبرایشه بارامادق ایسه باری
یارایه جق سعادت دنیویہ و اخرویہ سنی دوشو .
نه جک و دوشوندیکنی اجرایه جالیشه جق خلفلر ،
بدلر ، وکیللر براقلم . بوده بزم ایچون بر
عمل صالحدر بر نوع سلامتدر .

ایلریده دینمزی ، دولتمزی ، ملتیزی محافظه
ایده جک ، محو و اندراسدن قورویه جق ، بزی
رحمت ایلہ یاد ایدم جک ، حق تعالی حضر .
تلمینک قوللرینه بخش و احسان بیوردینی
درلو درلو قوتلرله کالاتی میدانہ کتیره جک
بزم کوجوک لریتمزد ، چوجق لریتمزد . او بیلہ
ایسه دیننه ، ملتہ ، دولته محبتی اولان وجدانلی
مسلمانلرک اولادینک تربیه سنے و حسن اخلاقہ ،
اوقویوب یازمنه هنر و صنایع ، فنون و تجارت
صاحب اولسنه جالیشماسی لازم کاور . عقلاً
نابت اولان بولزوم و وجوبک نقلاً و شرعاً
دخی محقق اولدینی ارباب دین و شریعت نزدندہ
معلومدر . الناس مجزیون باعمالهم

مدرسیندن

عبد الوهاب

